

## ՄԵԱԿԵՐԻՄ ՄԵԼՋՈՆՅԱՆ

### «ԱՆՈՒԾ» ԵՎ «ԹՄԿԱՔԵՐԴԻ ԱՌՈՒՄԸ» ՊՈԵՄՆԵՐԻ ՄԻ ԵՐԿՈՒ ՀՂԳԵԲԱՆԱԿԱՆ ԴՐՎԱԳԻ ՄԵԿՆԱԲԱՆԱՍԱՆ ՇՈՒՐՋ

Գրողին, գրականությանը վերաբերող իր գրույցներից մեկում Հ. Թումանյանն ասել է. «Գեղարվեստական կատարյալ գործերի մեջ միշտ մի նոր բան կարելի է գտնել, նոր բացատրություններ կարելի է տալ».<sup>1</sup> Գրականագիտության զարգացումը պայմանավորող այդ կարևոր քայլի իրականացումը կարող է պայմանավորված լինել տարբեր հանգամանքներով, որոնցից առանձնապես մեկն է ուշադրության արժանացվելու մեր կողմից: Խոսքը վերաբերում է գրողի ստեղծագործական լարորատորիային քաջածանոք լինելուն: Գրողի ստեղծագործության միայն վերջնական տարրերակն ուսումնասիրության առարկա դարձնելն անհրաժեշտ հնարավորություն չի ընձեռի համակողմանիորեն և անհրաժեշտ խորությամբ ճանաչել և արժեքավորել ստեղծագործությունը, զգալ դրա վրա հեղինակի կատարած մանրակրկիտ ստեղծագործ աշխատանքի նպատակադրումը:

Սույն հոդվածում մեր նպատակն է Թումանյանի «Անուշ» և «Թմկաքերդի առումը» պոեմների ստեղծագործական լարորատորիայի ընձեռած համապատասխան փաստական նյութի ուսումնասիրության հիմնա վրա անհրաժեշտ ճշտումներ կատարել Սոսիի, Թմկա տիրուհու, մասսամբ Սարոյի կերպարների մեկնարաննան հարցում:

Հոգեբան մեծ գրողի բժախնդրությամբ այդ կերպարները կերտելիս Թումանյանն առաջնորդվել է այնպիսի սկզբունքով, որ քափանցի նրանց ներաշխարհը, հաշվի առնի նրանց բնավորության ներքին բարդությունը, կատարելապես ապահովի նրանց և միջավայրի որոշակի հանգամանքների օրգանական կապը:

Նախ Սոսիի մասին: Նրա վարքագծի ճշտ մեկնարանումը հիմնականում տուժել է այն պատճառով, որ համարժեք չի ընկալվել այն հոգեկան, քարյական ժանր վիճակը, որում նա հայտնվել է կոյսի ժամանակ Սարոյի կողմէց գլուխվելու պատճառով: Ինչպես Սոսիի, այնպես էլ Սարոյի վարքագծի համարժեք խորքային ընկալման և մեկնարաննան առումնով առանձնակի կարևորություն ունի այս քառատողը, որ եթե չասենք, թե մի տեսակ շրջանցվել է, ապա կարևոր կողմնորոշչի նշանակություն չի ունեցել այդ երկու կերպարի էլ բնուրագրման ժամանակ:

Աղաք կա սակայն էն նոր ձորերում,

Ու միշտ հընազանդ հընց աղաքին՝

Ամբոխի առջև իգիքն իր օրում

Գտախն չի զարկի ընկեր իգիքին...<sup>2</sup>

Այդ սրբագրծված, միշտ սրբությամբ պահպանվող աղաքի խախտման հետևանքով ամբոխի ծաղր ու ծանակի առարկա է դարձել Սոսին.

Ու ամեն կողմից ուրախ իրտեսում,

Թունախի ծաղրով կանչում են, գոռում... (3, 95):

Նկատի ունենք նաև, որ նահապետական հասարակական միջավայրն այնպիսին է, որ Սոսին եթե չի կրկի ունատակ եղած իր պատիվը, երբեք չի կարող ազատվել այդ ծաղր ու ծանակից, երբեք չի կարող նայել մարդկանց երեսին: Սոսին պիտի փրկի իր պատիվը, պահպանի արժանապատվությունը:

Սոսիի վարքագծի գնահատման հարցում հստակորեն այսպիսի ըմբռնումով չկողմնորոշվելու պատճառով քումանանագիտության մեջ իշխող են դարձել այնպիսի կարծիքներ, որոնք միանգամայն վիճակարույց են քվում մեզ: Ծանոթանանք այդպիսի կարծիքներից մի երկուսին: Անվանի քումանանագետն էղ. Զրբաշյանը Սոսիին ճանաչում է որպես դրական հատկանիշներից զորք վրիժառուի: «Վրեժի կուրացնող զացմունքը, զրում է Զրբաշյանը, նրա (իմա՝ Սոսիի-Ս.Ս.) սրտում խլացրել է մարդկային

<sup>1</sup> Ն. Թումանյան, Հոգեբան և գրույցներ, Եր., 1969, էջ 139:

<sup>2</sup> Հ. Թումանյան, Երկերի լիակատար ծողովածու, տասը հասորով, հ. 3, էջ 94: Այսուհետ Թումանյանից կատարված մեջքերումների աղբյուրները կնշվեն շարադրանքում՝ նախ հասորը, ապա՝ էջը:

դրական հատկանիշները»:<sup>3</sup> Մ. Սկրյանն էլ, չբավարարվելով Մոսիին վրիժառու համարելով, նաև ավելացնում է, թե «ճրա մեջ վրիժառության զգացումը փոխվել է անսամական սարության»:<sup>4</sup> Հ. Թամրազյանի համոզմամբ էլ Մոսին չարության մղումով դեպի ներք է գնում, «չարագործ է դառնում»:<sup>5</sup> Լ. Հախվերդյանն իրադրյունն այնպես է մեկնարանում, թե կոյսի ժամանակ Սարոյի թոյլ տված քայլից հետո «զործողության ընթացքը պայմանավորում է ոխակայ Մոսու վարքագիծը»:<sup>6</sup> Այսպիսի այլ կարծիքներ էլ կարելի է վկայակրչել անվանի քումանյանագետներից, քայլ բավարարվենք նշվածներով: Որքան էլ անհավատակի թվա, առաջմն այսպիսին է Մոսիի կերպարի ընկալունք, նա ներկայացվում է որպես վրիժառու, չարագործ, ոխակայ, անասնական չարությամբ համակված և այլի:

Մի առիթով նշել ենք, որ Թումանյանի գեղարվեստական ժառանգությանը վերաբերող հարցերի լուծման բանալին նախ պետք է որոնել հենց իր՝ Թումանյանի մոտ:<sup>7</sup> Սույն պարագայում՝ Մոսիի կերպարը բնութագրելիս Թումանյանի հետ հաշվի նատելը պիտի արտահայտված լիներ նրանով, որ քումանյանագետները պիտի նկատի ունեցած լինեին, թե «Անուշ» պոեմի առաջին տարբերակի ու ձեռագրերի վրա աշխատելիս բանաստեղծի ստեղծագործական աշխատանքն ինչ նպատակամիտվածություն է ունեցել, Մոսիին վերաբերող հարցերում ինչն է ներծիկ նրա կողմից, ինչն է փոխարինվել, ավելացվել, և այդ ամենի շնորհիվ բանաստեղծն ինչ կողմնորոշում է ունեցել Մոսիին ներկայացնելու հարցում: Եթե նկատի ենք ունենում Թումանյանի այդ մանրակրկիտ ստեղծագործական աշխատանքը, այն համոզմանն ենք զայս, որ նրա նպատակն եղել է Մոսիին այնպես ներկայացնել, որ նա չճանաչվի այնպիսի վարքագծով, այնպիսի հոգեկան աշխարհով, ինչպես որ հետագայում է ճանաչվել քումանյանագետների կողմից, ինչպես արդեն վերը տեսանք: Կարևոր ենք համարում ուշադրության արժանացնել քումանյանական այդպիսի մի քանի խմբագրումներ:

Է. Ջրաշշանը Մոսիին կամակոր է համարում, նրա վարքագիծը՝ կամակորություն՝ նշելով, որ Անուշի և Սարոյի բնական նարդկային ձգումը «ընդհարվում է ոչ միայն Մոսիի կամակորության, այլև ամրող տիրող իրականության հետ և կործանվում է»:<sup>8</sup> Կասկած չունենք, որ եթե հարգարժան զրականագետը նկատի ունեցած լիներ, որ ինքը Թումանյանը «Անուշ» պոեմի վրա աշխատելիս հրաժարվել է Մոսիին կամակոր մակդիրով բնորոշելուց, Մոսիի վարքագիծն ավելի ճիշտ ընկալած կլիներ: Պոեմի առաջին տարբերակում այնպես է եղել.

*Կամակոր* Մոսիին այլև ինչ խելք էր,  
Որ դեռ աչքը բաց, վրեժը սրտում,  
Իրան հարազատ քրոջը տեսներ,  
Անհաշուր քնամու-Սարոյի գրկում .../3,260/:

Հայտնի է, որ ընդգծված բառը պոեմի հիմնական բնագրում փոխարինված է «անկոտրում» բառով՝ «Անկոտրում Մոսին էլ ո՞ր Մոսին էր, Որ՝ աչքը դեռ բաց, ևս լուս աշխրում ...» /3,97/: Կատարված խմբագրումով բանաստեղծը չի ցանկացել, որ Մոսիին ներկայացնի ոչ թե կամակորությամբ, այլ իր պատվի պաշտպանության հարցում ցուցաբերած հետևողականությամբ:

Այժմ մեզ հետաքրքրող խնդրի առումով պակաս ուշագրավ չեն նաև վերը բերած քառասորդի երկրորդ և չորրորդ տողերում կատարված փոփոխությունները: Հետո է նկատել, թե ինչպես երկրորդ տողի խմբագրումով Թումանյանը հրաժարվել է վրեժի, վրիժառության զաղափարը Մոսիի հետ առնելուց (իիշենք պոեմի հիմնական բնագրի համապատասխան տողը. «Որ՝ աչքը դեռ բաց, ևս լուս աշխարքում...»): Իսկ չորրորդ տողում կատարված փոփոխությամբ (հիմնական բնագրում՝ «մամարդ բնեկոր Սարոյի»

<sup>3</sup> Էղ. Զ բ թ ա շ ա ն, Թումանյանի պոեմները, Եր., 1964, էջ 140:

<sup>4</sup> Մ. Մ կ թ ա ն, Հովհաննես Թումանյանի ստեղծագործությունը, Եր., 1981, էջ 112, ընդգծումը մերճ է:

<sup>5</sup> Հ. Թ ա մ թ ա զ յ ա ն, Հովհաննես Թումանյան (բանաստեղծը և մտածողը), Եր., 1995, էջ 215-217, ընդգծումը մերճ է:

<sup>6</sup> Լ. Հ ա խ վ ե ր դ յ ա ն, Թումանյանի աշխարհը, Եր., 1966, էջ 258, ընդգծումը մերճ է:

<sup>7</sup> Մ. Մ ե լ ք ո ն ն յ ա ն, Թումանյանի հոգու կենսագրությունը, Գյումրի, 2004, էջ 37:

<sup>8</sup> Էղ. Զ բ թ ա շ ա ն, նշվ. աշխ., էջ 139, ընդգծումը մերճ է:

գրկում...») բանաստեղծը կամնենում է ընթերցողին հուշել, զգալ տալ, որ կոխի ժամանակ Սարյի կողմից թույլ տված անշրջահայաց քայլը Սոսիի կողմից դիտվում է ոչ թե որպես **թշնամու**, այլ **«ճամարդ ոնկերոց»** կողմից կատարված քայլ, որը բնականաբար պիտի ավելի խոցեր նրա արժանապատվորյան զգացումը:

Կարծում ենք՝ նպատակամիտվածության առումով նշված խմբագրումների հետ սերտ առնչություն ունի նաև մեկ ուրիշը: Եթե նախապես իրողությունն այնպես է ներկայացված եղել, որ կոխի տեսարանից հետո Սոսին անմիջապես սուրբ գործի դնելու մտքին է փարզում, ապա հետազայտմ իրողությունը որոշակիորեն այլ ձևով է ներկայացվել:

**Պոեմի առաջին տարրերակում.**

- Ծող գա, ասում էր, որ քոնենք նորից  
Թե չէ նամարդը, արևս եմ երդվում,  
Չի ազատվելու երրեք իմ սրից /3,259/:

**Պոեմի հիմնական բնագրում.**

... Էլ չի այրծնելու երրեք իմ ճեռից /3,95/:

Մենք այն համոզմանն ենք, որ Սոսիի կերպարի խորքային ընկալմանը կնպաստեր նաև այլ բազմարիվ խմբագրումներ նկատի ունենալը, որոնք նույնպես անտեսվել են ուսումնասիրողների կողմից: Անդրադառնանք դրանցից մի երկուսին էլ: Կոխի ժամանակ գետնված Սոսին բազմության կողմից արդեն որոշակիորեն ծաղրի առարկա է դարձել: Թե հետազայտմ էլ միջավայրի կողմից նրա նկատմամբ ինչախսի վիրավորական, արհամարհական վերաբերմունք կցուցաբերվեր, դա համարժեք ընկալված կիներ, երեւ ճիշտ ըմբռնված լիներ դերն ու նշանակությունը կոխի տեսարանին հաջորդող այն հատվածի, որն սկսվում է հետևյալ տողերով.

-Ամո՞ք քեզ, Սոսի՛, քո՛ք ու նախատիմք,

-Ամո՞ք քեզ նման գոված իօփիքն .../3,96/:

Թումանյանագետները 14 տողանոց այս հատվածը Սոսիի մենախոսություն,<sup>9</sup> «խայտառակված Սոսիի ինքնածաղկման և նախատիմքի դառը խոսքեր»<sup>10</sup> են համարում: Բայց մեր խորին համոզմանը այս հատվածը ոչ թե մենախոսություն է, այլ այնպիսի ինքնատիպ խորքային կառույց, որտեղ լսվում է ոչ թե մեկ, այլ երկու և ավելի ձայն, այսինքն՝ ոչ թե Սոսիի, այլև նրա շրջապատի մարդկանց ձայնը: Այսպիսի խորքային կառույցը, որ մեր բանասիրության մեջ դեռևս այնքան էլ հանգանանալի ուշադրության չի արժանացել, հայ գեղարվեստական գրականության մեջ առաջինը Թումանյանի մոտ ենք տեսնում անփոխարինելի արտահայտչականությանք դրսարված: Նշված հատվածում նաև շրջապատի վերաբերմունքի արտահայտությունը նկատելի դարձնելու նպատակով է, որ Թումանյանը մի «չնչին» սրբագրում է կատարել: Նախապես այդ հատվածն առնված է եղել չակերտների մեջ /3,259/, որի հետևանքով կարող էր ընկալվել որպես միայն Սոսիի մտորում: Իսկ պոեմի վերջնական բնագրում այդ չակերտները փոխարինված են զծիկով, որի շնորհիկ ավելի ակնհայտ է դառնում, որ այդ խորքը ոչ թե մենախոսության, այլ երկխոսության դրսարվում պիտի ընկալվի: Այս կապակցությանք մի ուշագրավ իրողություն: Թումանյանի Երկերի առաջին ակադեմիական հրատարակությունում այդ 14 տողանոց հատվածի միայն առաջին տողի սկզբում է զծիկ դրված, իսկ երկրորդ ակադեմիական հրատարակությունում հաջորդ տողի սկզբում էլ զծիկ կա, ինչպես կարելի է նկատել վերը բերված տողերում: Եթե դա տպագրական վրիհապակի հետևանք չէ, նշանակում է՝ երկրորդ զծիկը հուշում է, որ Սոսիին նախատողները մենքից ավելի մարդիկ են: Ավելացնենք նաև, որ պոեմի առաջին տարրերական ուշադրության առարկա հանդիսացող այդ հատվածից անմիջապես հետո եղած «**Սոնմուռ էր նա** և ատամները կըրճտացնելով նաև էր որոճում»/3,259-260/ տողերն էլ են կրծատված պոեմի հիմնական բնագրում, որ դարձյալ այն մասին է խոսում, որ այդ հատվածը միայն Սոսիի մտորումների արտահայտություն չէ, նաև միջավայրի վերաբերմունքի արտահայտություն է:

<sup>9</sup> Հ. Թամրացյան, նշվ. աշխ., էջ 215:

<sup>10</sup> Էղ. Զրբացյան, նշվ. աշխ., էջ 140:

Պոեմի առաջին տարբերակում Անուշը խոստովանում է տերտերին, որ իր կամքը է փախել Սարոյի հետ («Բմ կամքով փախա... սիրում եմ, տերտեր» /3,264/): Պոեմի հիմնական բնագրում այս տողը տեղ չի գտել, կրճատվել է, որ նշանակում է, թե բանաստեղծը կամեցել է իրողությունն այնպես ընկալելի դարձնել, որ Անուշը ենթարկվել է Սարոյի կամքին: Եվ դա կնշանակի, որ Սարոն երկրորդ քայլն է կատարել ընդդեմ Մոսիի պատվասիրության:

Օր Թումանյանը չի կամեցել Մոսիին որպես վրիժառության, չարության մղումով գործող ներկայացնել, որա օգոտին են խոսում նաև Սարոյին սպանելուց հետո նրա հոգեկան վիճակի նկարագրությանը վերաբերող հատվածում կատարված ուշագրավ փոփոխությունները: Եթե պոեմի սկզբնական տարբերակում Սարոյին սպանելուց հետո Մոսին ներկայացված է եղել «հաղթական քայլվածքով», «հպարտ հայացքով» /3,268/, մի կեցվածք, որը վրիժառու մարդասպանը կարող էր ունենալ, ապա պոեմի հիմնական բնագրում Մոսիի «գիճը այլայված է, քայլվածքը՝ մոլոք» /3,102/: Պոեմի հիմնական բնագրում ձորից դորս գալիս բավականության զգացումի ոչ մի նշոյլ չկա Մոսիի դեմքին, շարժ ու ձևի մեջ: Նրա այլայլված դեմքին զգացում է հոգեկան խոռվք, կերպարանքը փոխված է, այն իրացանը, որով սպանել է Սարոյին, նրա աշքին և օձ է բվում: Չնայած այս անենին՝ ուսումնասիրողները Մոսիին այդ պահին տեսնում և ներկայացնում են ոչ թե հոգեկան խոռվքի մեջ, այլ «ներքին դաժանությամբ» օժտված:

Պոեմի վերամշակման ժամանակ Մոսիին վերաբերող նշված և ուրիշ այլ կարգի փոփոխություններն ել այն մասին են վկայում, որ Թումանյանը ոչ թե դատապարտում է նրան որպես վրիժառուի, չարագործի, ոխակալի, այլ կերտում է մի կերպար, որի անխոսափելիորեն մարդասպան դառնալին ունի որոշակի բարոյական արդարացում: Պետք է նկատի ունենալ, որ Մոսին ոչ այնքան իր անհատական կամքով, որքան աղաքի պարտադրանքով է գործում, որ փրկի իր պատիվը: Ուրիշ ինչ կեցվածքով է հանդիս գար, անխոսափելիորեն կհայտնվեր բարոյական այնպիսի ողորմելի վիճակում, ինչպիսի վիճակի արժանացավ Թումանյանի, օրինակ, «Արքատի պատիվը» պատմվածքի հերոս Մինոնը: Վերջինն էլ, որ պայքարում էր նամուսի, պատվի համար, հաշտվերով իր պատիվն արատավորողի հետ, դարձավ պատվագործի, դժբախտ նարդ:

Արժանապատվության հարցին այլ ստեղծագործություններում էլ Թումանյանն առանձնակի կարևորություն է տալիս՝ կամենալով այն միտքը գեղարվեստորեն մարմնավորել, որ մարդկային այդ բարձր արժանիքի կորուստը, պատիվն առ ու ծախի առարկա դարձնելը տանում է դեպի հոգեկան, բարոյական անկում, հասարակության այլասերում: Բայց, զգիտես ինչու, որոշ բումանյանագետների կողմից առանձնապես կարևորություն չի տրվում արժանապատվության հարցի ճանաշմանն ու մեկնարաննանը: Վերաբերմունքն այլպիսին է ոչ միայն Մոսիի, այլև, ինչպես ստորև կտևսնենք, նաև Թմկա տիրուհու կերպարի ընկալման և մեկնարաննան հարցում:

Ուշադրության առարկա հանդիսացող հարցի մասին մեր խոսքն ավարտելուց առաջ ավելորդ չի լինի նաև նշել, որ Մոսիի կերպարի ոչ համարժեք ընկալմանը մասսամբ վնասել է նաև Սարոյի կերպարի ճիշտ ընկալմանն ու արժեքավորմանը: Սարոյի՝ ամբողջովին զգացմունքի թելադրանքով կատարած անշրջահայաց քայլը՝ կոխի ժամանակ ընկեր իգիրին գտնելու, «անմեղ արարք»<sup>11</sup> որպակելը մեզ ամենեկն էլ հիմնավոր չի բվում, ուստի և նոյնքան անբնդունելի է նաև այն կարծիքը, թե Սարոն Թումանյանի գեղագիտական իդեալը կրողներից մեկն է և արտահայտում է «մարդկային առարինությունների մասին նրա /իմա՝ Թումանյանի-U.U./ բարձր ըմբռնումները»:<sup>12</sup> Սարուն կյանքի նպատակը երջանկությունը համարելով՝ Թումանյանը նաև այն հանողմանն է, որ դրան «համեմու համար հարկավոր է կամենալ, կամք պիտի լինի դրա համար... բնազդի հետ միշտ բանականությունը ներդաշնակ չգործեցին ոչ միայն կոխի ժամանակ, այլև որոշ դեպքերում դրանից հետո էլ... Բայց սա արդեն առանձին քննարկման հարց է: Հիմնական հարցում վիճահարույց է նաև Թմկա տիրուհու կերպարի մեկնարանունը:

<sup>11</sup> Էդ. Զբարաց Հ. Աշուածուական, էջ 129:

<sup>12</sup> Էդ. Զբարաց Հ. Աշուածուականության տեսություն, Եր., 1980, էջ 86-87:

<sup>13</sup> Ն. Թումանյան, Հայութ և զուշեր և զրոյցներ, Եր., 1969, էջ 165-166, ընդգծումը մերմ է:

Նախ նշենք, որ չի կարելի համաձայնել այն կարծիքին, թե «Թմկաբերդի առումը» պոեմում «հոգեկան առանձնացած որևէ պատկեր առհասարակ չկա»:<sup>14</sup> Այդպիսի պատկեր ենք մենք տեսնում պոեմի 10-րդ գլուում, որն էլ այժմ գտնվելու է մեր ուշադրության կենտրոնում: Պոեմի այդ գլուում է ներկայացված Չափի և Թմկա տիրուհու երկխոսությունը, որը, հիրավի, «շեքապիրյան հանճարի ուժից էլ վեր ողբերգական ուժգին բախման միջնորդ է բովանդակավորում»:<sup>15</sup> Դա այն տեսարանն է, երբ Թմկա տիրուհին այն միտքն է փայփայում, որ մոտ է բազի ու պատվի արժանանալու պահը, և անսպասելիորեն արժանանում է Չափի այսպիսի հարցում-ապատակի:

-Պատասխան տո՞ւր ինձ, մատնի՛ սևաչյա,

Սի՞թե Թաքուլը քաջ չէր ու սիրուն... /4,56/:

Չափի էլ, որ ցանկացած բռնակալի նման կարծում է, թե իր ոչ մի խոսք ու արարք չի կարող դատապարտելի լինել, արժանանում է այսպիսի պատասխան հակահարվածի.

-Քաջ էր ու սիրուն քեզնից առավել,

Սի քարձը ու ազնիվ տղամարդ էր նա.

Կնոջ մատնությանը ամրոց չէր առել,

Չէր եղել կյանքում երբեք խարերա... /4,56/:

Այժմ անցնենք բուն հարցին: Թումանյանազիստության մեջ ինչպե՞ս է մեկնարանվում տիրուհու վերաբերմունքի այդպիսի կտրուկ փոփոխությունը:

Կարդում ես Թումանյանի ժամանակակից գրաքննադատի կարծիքը և զարմանում, թե ինչքան մակերեսային պիտի լիներ տիրուհու հոգեկան վիճակի ընրունումը, որ այդպիսի տողեր հանճնված լինենի բրիճն: «Դիցուք թե Զավախիքի տիրուհին «ազան սիրու» ուներ, դրա համար դավաճանեց, - զբուն է Պ.Մակինցյանը, - բայց իր նպատակին հասնելուց հետո այդ ի՞նչ եղավ նրան, որ մահաբեր պատասխան է տալիս շահին»:<sup>16</sup>

Անվանի գրականագետ Ա. Տերտերյանն էլ, հավանաբար գոհ չմնալով Թմկա տիրուհու տված պատասխանի իր առաջին մեկնարանումից, ըստ որի՝ իբր «Թմկա տիրուհին և Չափը իրար հանդիպելուց հետո ավելի ուժգին է սկսում նրան սիրել, չվախենալով անգամ նակից ...»,<sup>17</sup> երկրորդ անգամ այն կարծիքն է առաջ քաշում, թե «Թմկա տիրուհու մեջ խղճնտանքի ձայնն» է զարբոնք ապրել:<sup>18</sup> Հոգեբանորեն որքանո՞վ է հիմնավոր երեկոյան Թաքուլի պես ամուսնու նկատմամբ ոճրագործություն կատարած կնոջը, հաջորդ առավոտյան ասած խոսքերը նկատի ունենալով, ներկայացնել որպես «ավելի ուժգին» սիրող:

Ուշագրավ է Մ. Սկրյանի ուղղակի տարակուսանք հարուցող կարծիքը, ըստ որի՝ իբր «Թմկա տիրուհին և Չափը իրար հանդիպելուց հաջուկ միմյանց նկատմամբ արդեն լցված էին ամենաայրող ատեմուրյանք»:<sup>19</sup> Փաստական ոչ մի հիմք չունեցող այս կարծիքն ընդունելի է համարվում նաև Հր. Թամրազյանի կողմից:<sup>20</sup>

Եղ. Զրբաշյանը տիրուհու պատասխան խոսքում տեսնում է «սեփական արարքի տանչաղիկ վերագնահատման, զղճան, ինքնածաղկման, հոգեկան բարդ ապրումների մի բուն հորդաննը»:<sup>21</sup>

Թմկա տիրուհու պատասխան խոսքի այսպիսի մեկնարանումների անհիմն լինելը հեշտությամբ ակնհայտ կդառնա, եթե նկատի առնվի այսպիսի հարցադրություն: Եթե հանդիպման ժամանակ Չափը տիրուհու նկատմամբ ոչ թե հանդիմանական վերաբերմունք ցուցաբերեր, այլ նշաններ ցույց տար նրան զահի արժանացնելու իր խոստման իրականացման ոգով, տիրուհին այդպիսի պատասխանի կարժանացնե՞ր Չափին: Ի-հարկե, հարցին անվերապահորեն բացասական պատասխան պես է տալ: Ուրեմն՝

<sup>14</sup> Էղ. Զրբաշյան էլ, Թումանյանի պոեմները, էջ 383:

<sup>15</sup> Մ. Սկրյան, Հովհաննես Թումանյանի ստեղծագործությունը, Եր., 1981, էջ 132:

<sup>16</sup> Պ. Մակինցյան («Գարում» այմանախ, զիրք 3, Մ. 1912, էջ 287):

<sup>17</sup> Ա. Տերտերյան, Հովհաննես Թումանյան, հայրնմի եղերքի քնարերգութ, Վաղարշապատ, 1911, էջ 62:

<sup>18</sup> Ա. Տերտերյան, Հայ կյանքներ, Եր., 1944, էջ 86:

<sup>19</sup> Մ. Սկրյան, նշվ. աշխ., էջ 132:

<sup>20</sup> Հ. Թամրազյան, նշվ. աշխ., էջ 292-293:

<sup>21</sup> Էղ. Զրբաշյանի պոեմները, էջ 390:

տիրուհու կեցվածքի փոփոխության պատճառը ոչ թե այն է, որ իր իր նղեռնագործությունից հետո՝ մինչև Ծահի հետ հանդիպելը, նա զղջման զգացում է ունեցել, այլ այն է, որ հանդիպման ժամանակ Ծահի ցուցաբերած վերաբերմունքը հօդս է ցնդեցրել նրա ակնկալիքները։ Նա երազում էր արքայական փառք ու մեծություն և արժանացավ անհավատայի թվացող վերաբերմունքի։ Խարված լինելը տիրուհու համակեց խորապես դրամատիկ բովանդակությանը հագեցած հոգեկան այլումներով, և նա փարզեց արժանապատվորնեն դեպի մահ գնալու գաղափարին։ Հիմա նրա մեջ եռում է Ծահին բարոյական ապատակներ հասցնելու, նրան խոցելու կիրքը, նրա հոգեկան աշխարհն ամբողջովին համակված է այդ զգացումով։ Եվ եթե նա Ծահի հարցման բնույթով պայմանավորված («Մի՞թե Թաքուլ քաջ չեր ու սիրուն...») Թաքուլին այդպես բարձր առաքինությամբ է ներկայացնում («Քաջ էր ու սիրուն քեզնից առավել...»), հիմնական նպատակը դարձյալ նույնն է՝ Ծահին ուղղած բարոյական հարվածներն ավելի զորեղ դարձնել։

Հիմա հարցը դիտարկենք մեկ այլ հարբության վրա։ Մինչև ուղն ու ծուծը փառանուրության զգացումով համակված, սիրած ամուսնուն, նրա թերդի քաջ ու անձնությաց պաշտպաններին սրի ճարակ դարձրած, հայրենիքի պատիկը ուսնահարած այդ տիկինը կարո՞ն էր վերափոխվել, այն էլ այդպես վայրկենապես, զրոյցի ժամանակ։

Այժմ մեզ հետաքրքրող հարցի կապակցությամբ ուշադրություն պիտի դարձվի նաև մի կարևոր իրողության։ Բանն այն է, որ առաջմն քումանագիտության մեջ իշխող է այնպիսի մոտեցումը, որ Թմկա տիրուհուն բնութագրելիս ուշադրության կենտրոնում է զունվում հատկապես Ծահի հետ նրա հանդիպման տեսարանը։ Բայց չէ՝ որ պոեմում նա հանդես է գալիս նաև կարևոր նշանակություն ունեցող մեկ այլ իրավիճակում՝ որպես դավաճանաբար կազմակերպված խնջույքի «գեկավար»։ Իր այդ դերում տիկինը ներկայանում է որպես նենազավոր հոգու տեր անձնավորություն։ Վերիշներ, թե առանց դույզն-ինչ երկմտելու նա ինչպես է քարցնում իր մտքին դրած ոճիքը, ինչպես է քողարկում դավաճանությունը և ներկայանում է որպես ամուսնուն հոգով ու սրտով նվիրված կին։

- Հապա լրցրե՛ք, իմ քա՛ջ հյուրեր,
- Բաժակները լիուի,
- Խըմենք-աստված կըտրուկ անի
- Թուրք իմ քաջ Թաքուլի... /4,52/:

Այսախի հոգու տեր կինը կարող էր իր անձնական արժանապատվության պահպանման համար հանդուգն քայլի դիմել, իսկ վայրկենապես վերափոխվել՝ երբեք։

## ОБ ИНТЕРПРЕТАЦИИ НЕКОТОРЫХ ПСИХОЛОГИЧЕСКИХ ОТРЫВКОВ ПОЭМ О. ТУМАНЯНА "АНУШ" И "ВЗЯТИЕ КРЕПОСТИ ТМУК"

### Резюме

### C. Мелконян

Скрупулезная работа писателя над художественным произведением имеет двойственное значение; во первых, этим достигается художественное совершенство, во вторых-важным сама по себе является эта работа. Изучение одного только окончательного варианта художественного произведения не дает возможности его глубокого и всестороннего познания и оценки, а так же постичь сути целенаправленность авторской работы.

Цель данной статьи – на основе соответствующего фактического материала изучение творческой лаборатории поэм Ов.Туманяна "Ануш" и "Взятие крепости Тмук" с делать необходимые важные уточнения в вопросе интерпретации образов Моси, госпожи Тмук, частично – Саро.